



## Universitätsbibliothek Paderborn

**Dn. Conradi Clingii Theologi Et Ecclesiastae Celeberrimi  
(dum vixit) apud Erphordiam Turingiæ, Catechismvs  
Catholicus, summam Christianæ institutionis IIII. libris  
succinctim complectens**

**Klinge, Konrad**

**Coloniae, 1570**

**VD16 K 1309**

3. Vt illud faciamus & custodiamus.

**urn:nbn:de:hbz:466:1-29452**

Moysi: Nūquid manus Domini inualida est? Sic Exo-  
3: quando misit Deus in Aegyptū Moysen, dixit illi:  
Educes populū meum, & ego ero tecum: hoc verbum  
oris Dei, Ero tecū, notauit Moyses, & pendebat fide  
in illo, dū transiuit mare, dūm sequerentur hostes, dū  
cibus & potus deficeret in deserto, & nihil illi impos  
sibile videbatur, quantumcunq; etiam hoc rationi &  
sensibus impossibile erat: cogitabat enim, Deū menti  
ri non posse. Sic si peccatū vrget, & desperationē sua  
det, fides pendet in illo verbo Ioā. 3. Sic Deus dilexit  
mundū, &c. Esa. 53. Posuit Dñs in eo peccata omnium  
nostrūm. Ro. 4. Mortuus est pro peccatis nostris, &c.  
Luc. 19. Venit filius hominis quærere & saluū facere  
quod perierat, & consimilib. locis Euangelij. Hoc ver  
bū viuiscitat contra peccatum & retinet pœnitentē in  
vita & pace. Quòd si tribulatio, infirmitas, amici aut  
inimici persequuntur, fides semper pendet in verbo  
Dei, Io. 16. Confidite, ego vici mundum. Et, Princeps  
huius mundi non habet in me quicquā. Si mors hō  
rorem incutit, fides pēdet in illo verbo Christi Io. 11.  
Omnis qui credit in me, etiam si mortuus fuerit, vi  
uet &c. Si infernus & Dēmon terret, Io. 14. Princeps  
huius mundi iudicatus, ligatus est: nihil potest vlt̄a,  
quām Deus permittit. Sūma, non est aliqua calamī  
tas in mundo, in corpore, rebus, officio &c. quæ non  
contrariam habeat consolationem & promissionem  
quam fides tenet, & sic in Deo viuit.

Iste cultus, cum sic verbo Dei credimus, & nos cō  
solamur, maximē placet Deo: econtrā, grauissimum  
peccatum est, verbum Dei oscitanter & sine intelle  
ctu murmurare, cantare aut legere, & non sic in ten  
tatione conscientiam confortare, ideo dicitur Hier.  
48. Maledictus qui facit opus Domini fraudulenter.  
Sic omnes sancti pendentes fide in verbo Dei, vice  
runt regna, operati sunt iustitiam, & adepti sunt re  
promissiones, Hebr̄or. 11. Hęc fides in verbo Dei ap  
p

præhensa, est gladius Spiritus, quo depugnatur sa-  
than. Vult ergo Deus ut nudè pendeamus fide in ver-  
bo suo. Multi credunt, si diuites fuerint, si prospere il-  
lis successerit: multi, quia plura bona fecerunt, con-  
fidunt se saluos fore, non pendent nudè ad verbum  
Dei. Quod propter Christum promittit salutē. Act. 10.  
Huic omnes Prophetę testimoniū perhibent &c. ma-  
ximus ergo Dei cultus est, credere verbo diuino, &c.

Quia in Euangelio sunt multæ promissiones, quo  
ad pios, etiam multæ comminationes quoad im-  
pios, ut Matthæi 11. de ciuitatibus, & cap. 23. de Pha-  
risæis, & cap. 18. de non remittentibus offensam &c.  
Igitur non solum oportet credere, quod sic verum sit  
quod Euangelium docet, sed oportet etiam facere.  
Matth. 7. Qui audit verbum Dei, & facit illud; & Luc.  
11 Beati qui audiunt verbum Dei, & custodiunt illud.  
Qui ergo non facit iuxta verbum Dei & vivit, is no-  
dum credit, etiamsi dicatur & sibi videatur credere.  
Recte dicitur, quia rara avis vera fides, & Luc. 18. Ve-  
runtamen filius hominis veniens putas inuenies fi-  
dem in terra? id est, qui pendeat nude in verbo Dei in  
omni tentatione, & qui opere faciat Euangelium.  
Sed nihil consolabilius in toto mundo, quam hæc fa-  
des: Dominus dixit, is mentietur minimè. Habet enim  
Centurio Matth. 8. & sic commendatur regulus lo-  
an. 4. Qui autem plus tribuit personæ Christi, quam  
eius verbo, arguitur à Christo loan. 4. Hæc est enim  
propriæ fides iustificans, assentiri & credere verbo  
Dei aut promissionibus diuinis.

## CAPVT XXXXIII.

## ARGUMENTA.

1. *De certitudine conscientiæ in re salutis.*
2. *Quod misericordia Dei quæ propter Christum exhibetur,*